



**ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ
ՀԱՆՁՆԱԺՈՂՈՎ**

Թիվ ՎԻՎ/57/2019

ՈՐՈՇՈՒՄ

**ՎԱՐՉԱԿԱՆ ԻՐԱՎԱԽԱԽՏՄԱՆ ՎԵՐԱԲԵՐՅԱԼ ԳՈՐԾԻ
ՎԱՐՈՒՅԹԸ ՀԵՏԱՁԳԵԼՈՒ ՄԱՍԻՆ**

ք. Երևան

30 մայիսի 2019թ.

Բարձրաստիճան պաշտոնատար անձանց էթիկայի հանձնաժողովը, հետևյալ կազմով՝ Ա. Խուդավերդյան, Ա. Սարգսյան, Լ. Պետրոսյան, Է. Շաթիրյան (այսուհետ՝ Հանձնաժողով),

իրականացնելով «Հանրային ծառայության մասին» ՀՀ 26.05.2011թ. ՀՕ-172-Ն օրենքի (այսուհետ՝ Օրենք) 43-րդ և 43.1-ին հոդվածներով Հանձնաժողովին վերապահված գործառույթները,

ՀՀ ՊԵԿ հետաքննության և օպերատիվ-հետախուզական վարչության թիվ 2 /Կոտայքի և Գեղարքունիքի մարզերի/ բաժնի պետի նախկին տեղակալ Վիգեն Հրաչիկի Սարգսյանի կողմից 2019 թվականի պաշտոնական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը ներկայացնելու պարտականության հետ կապված, հայտնաբերել է Վարչական իրավախախտումների վերաբերյալ ՀՀ օրենսգրքի 169.28-րդ հոդվածի 1-ին մասով (հայտարարատու պաշտոնատար անձի կողմից «Հանրային ծառայության մասին» ՀՀ օրենքով նախատեսված հայտարարագիրը Բարձրաստիճան պաշտոնատար անձանց էթիկայի հանձնաժողով «Հանրային ծառայության մասին» ՀՀ

օրենքով սահմանված ժամկետում չներկայացնելը) նախատեսված առերևույթ իրավախախտման հատկանիշներ:

Իրավախախտման առկայությունը, այն կատարելու փաստական հանգամանքները, առերևույթ վարչական իրավախախտում կատարած անձի մեղավորությունը պարզելու, ինչպես նաև վարչական իրավախախտում կատարած անձին վարչական պատասխանատվության ենթարկելու հարցի քննության համար Հանձնաժողովը, հարուցել էր վարչական իրավախախտման վերաբերյալ գործի թիվ ՎԻՎ/57/2019 վարույթը և նշանակել վարչական իրավախախտման վերաբերյալ գործի քննություն՝ 2019 թվականի մայիսի 30-ին, ժամը 11:10-ին:



Վիգեն Հրաչիկի Սարգսյանը չէր ներկայացել վարչական վարույթին, սակայն խնդրել է վարչական գործի քննությունը հետաձգել, քանի որ նիստի օրն է տեղեկացել Հանձնաժողովի կողմից հարուցված վարույթի մասին:

Ղեկավարվելով «Վարչարարության և վարչական վարույթի մասին» ՀՀ օրենքի 47-րդ հոդվածի 1-ին մասով, «Հանրային ծառայության մասին» Հայաստանի Հանրապետության օրենքի 43-րդ հոդվածի 1-ին մասի 7-րդ կետով և 43.1-ին հոդվածի 5-րդ մասով, Վարչական իրավախախտումների վերաբերյալ օրենսգրքի 283-րդ հոդվածի 2-րդ մասի 4-րդ կետով՝

ԲԱՐՁՐԱՍՏԻՃԱՆ ՊԱՇՏՈՆԱՏԱՐ ԱՆՁԱՆՑ ԷԹԻԿԱՅԻ ՀԱՆՁՆԱԺՈՂՈՎԸ Ո Ր Ո Շ Ե Ց

ՀՀ ՊԵԿ հետաքննության և օպերատիվ-հետախուզական վարչության թիվ 2 /Կոտայքի և Գեղարքունիքի մարզերի/ բաժնի պետի նախկին տեղակալ Վիգեն Հրաչիկի Սարգսյանի կողմից 2019 թվականի պաշտոնեական պարտականությունները դադարեցնելու օրվա դրությամբ առկա գույքի, եկամուտների և փոխկապակցված անձանց հայտարարագիրը ներկայացնելու պարտականության չկատարման հետ կապված թիվ ՎԻՎ/57/2019 վարույթով 30.05.2019թ գործի քննությունը հետաձգել 2019 թվականի հունիսի 3-ին, ժամը 11:10-ին, Բարձրաստիճան պաշտոնատար անձանց էթիկայի հանձնաժողովում (հասցե՝ ք. Երևան, Բաղրամյան պողոտա 24, 3-րդ հարկի դահլիճ, հեռ. 010524689):

**ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՂԱԿԱԼ
ՀԱՆՁՆԱԺՈՂՈՎԻ ԱՆԴԱՄՆԵՐ**


Ա. ԽՈՒՂԱՎԵՐԴՅԱՆ

Ա. ՍԱՐԳՍՅԱՆ

Է. ՇԱԹԻՐՅԱՆ
Լ. ՊԵՏՐՈՍՅԱՆ